

王百穀藏

辨王珍弄

王百穀

寶印
刻
顏魯公
年
誼
一
帙

前叙王百穀手寫

舊刻顏魯公年譜

三

三
藏

章之輕重在一身節義之輕重在國家存
而為節義發而為文章盡之于一身推之
於國家漢唐以來魯公一人而已公之忠
烈始卒不渝穹宙昭明凜凜如在雖庸人
孺子莫不知之而予猶以軼言事彷彿
一二幾於畫渾沌者惟觀之節義然後可
以觀公之文章公豈求工于文者哉公之
心與天地並星辰河漢山川草木自然之



文也不論其心而徒論其文豈知公者耶
公之文不多見而天下後世仰公之名景
則敬慕不能者蓋重其所先務其所後也
故存亡詳簡皆不暇計而為所可見者雖
僅存而不詳然有功乎名發大矣觀所奏
論事先白長官之疏嬰逆鱗陵熠勢抗言
不忌上僕射爭坐位之書詆英義朝恩而
弗恤自二十六第進士三十四舉制科閱

官四十有子而居中者纔十載六遭貶斥
竟至殺身英風勁氣使人感涕憤發萬世
而下顧波以障懦習以激彼希指阿諛俛
首循默嗜寵目前貽臭身後視此孰榮辱
受替歸北幾至餬口拙於生事食粥憂煎
困不如屠獸富貴者之適欲而公論則有
在也前後忤權臣去身楊國忠李輔國元
載楊炎皆誅戮盧杞亦鼠死公之流芳遺

馥歿且不朽迺輩聲名與糞壤俱腐禍福
得失之理昭昭不誣而昧者輒快於所睹
不慮於不身豈不痛哉雖然盧陷公於死
非死公也乃擠唐子也也以公之所試諒
公之所存使其端委廟堂精神折衝則敢
于弄兵者未必自是紛々嗚呼唐亦寢寧
不復振矣安有朝無若人而可以國乎所
以識者未為公恨而深為唐恨也予後公

三百九十四年而生又三十五年而守東
嘉訪公之來孫自五代徙居于此本朝皇
祐紹興間嘗錄其後官者六人忠義之澤
浚源悠久有自孝矣求公文而刊之將以
砥礪生民而家無藏本得劉原父所序十
二卷即嘉祐中宋次道集其刻于金石者
也篇簡漫漶字義舛謬乃以史傳諸書碑
蹟雜記銓次年譜繫以見聞參異訂疑按

亡補失其涉於公之筆缺而無攷則不敢
及焉故書遺亡網羅未備尚俟後人按藝
文志行狀神道碑公佐吉州有廬陵集十
卷刺撫州有臨川集十卷刺湖州有吳興
集十卷韻海鏡源三百六十卷為禮儀使
者禮儀集十卷今並逸而不傳



年譜一帙

舊史一帙

補遺碑銘一帙

行狀一帙

共四帙南有堂重裝

編

顏魯公年譜

西

顏魯公年譜

原題

留元剛

編

錫山安國校刊

中宗景龍三年己酉

公生於是年其先琅邪臨沂人晉侍中西平靖侯含之十四世孫含以孝義儒學各家居丹陽五代祖之推比齊黃門侍郎始為京兆長安人高祖思魯隋司經局校書東宮學士長寧王侍讀唐太宗為秦王拜記室參軍曾祖勤禮著作郎崇賢弘文館學士祖昭甫晉王曹王侍讀贈華州刺史父惟貞薛王友贈太子少保

四年庚戌六月改元唐隆是月睿宗即位
七月改元景雲

睿宗景雲二年辛亥

三年壬子正月改元太極五月改元延和

八月傳位元宗改元先天

先天二年癸丑十二月改元開元

元宗開元二年甲寅

二十二年甲戌

公年二十六考功員外郎孫述下進士
及第試梓材賦庫詩

二十四年丙子

公年二十八平判入等授朝散郎祕書
省著作局校書郎

天寶元年壬午

公年三十四舉文詞秀逸科元宗御勤

政樓策試上第十月授醴泉尉後黜陟

使王珙以清白名聞轉通直郎遷長安

尉按本傳及神道碑天宝初以制策甲

科作尉醴泉考唐會要所載諸科如文

詞秀逸皆謂之制舉通直郎自武德定

令為從六品朝散郎後七品

五載丙戌

公年三十八是歲有張長史十二意筆

法記

六載丁亥

公年三十九正月遷監察御史尋充河

東朔方軍試覆屯交兵使

七載戊子

公年四十是年充河西隴右軍試覆屯交兵使

八載己丑

公年四十一又充河東朔方軍試覆屯交兵使劾奏朔方令鄭延祚八月迁殿中待御史時中丞宋渾為御史吉温崔珪誣告請賀州公曰折之楊國忠黨於温怒公不附已令温諷中丞蔣冽奏公為東都採訪判官按史傳温性陰詭諂事貴官以訊獄深虐李林甫才其為擢戶部郎中兼侍御史又媚附楊國忠安祿

山高力士為國忠謀奪林甫權誣奏京兆尹蕭奘及渾逐之皆林甫所善林甫不能救後祿山領河東節度表温自副摠留事拜鴈門太守以母喪解表為魏郡太守國忠當國引拜中丞十三載祿山薦為武部侍郎國忠與祿山爭寵温轉厚於祿山國忠忌之發其贖狀遂斥死宋渾之謫當是温兼侍御史時也家譜以公迁殿中在五月今從行狀

九載庚寅

公年四十二二月迁侍御史

十一載壬辰

公年四十四三月轉武部員外郎判南

曹

十二載癸巳

公年四十五揚國志以前事銜之繆稱請擇出公為平原太守按十三載有東方朔畫贊碑陰記云去歲拜此郡則以是年出守明矣

十三載甲午

公年四十六十二月有東方先生畫贊

碑陰記

十四載乙未

公年四十七轉兵部員外郎時安祿山反河朔盡陷獨平原城守具備使司兵參軍李平馳奏元宗始聞亂嘆曰河北

二十四郡無一忠臣耶及平至大喜顧謂左右曰朕不識真卿何如人所為乃若此謹按公嘗為殿中侍御史與仲昆左補闕允南同列臺省每朝賀宰相已下登殿者不過三十人公與允南二拱法座於含元殿朝覲宴集必同行列夫以拱承天辟執憲殿中又賜清間參陪左右不為疏逖者矣平原

已有不識之問元宗末平急荒盡於妖嬖昏昧至是安得不聽胡雛之器哉

十五載丙申七月肅宗即位改元至德

公年四十八正月加戶部侍郎兼平原郡太守三月兼河北招討採訪使七月

拜工部尚書兼御史大夫平原郡太子
河北招討採訪處置等使有皇帝即位
賀上表皇有修書帖十月史思明使尹
子奇圍河間公遣和琳往救思明逆戰
擒之河間陷又使康沒野波將先鋒攻
平原公謀於衆賊銳不可抗乃渡河

肅宗至德二載丁酉

公年四十九四月朝於鳳翔授憲部尚
書有讓表六月兼御史大夫有謝表新
史行狀月日不同今從家譜九月丁丑
廣平王儼平西京十月壬戌平東京癸
亥肅宗發鳳翔丙寅入西京太廟為賊
所焚肅宗素服向廟哭三日按本傳兩

京復公建言春秋新宮災魯成公二日
哭今太廟為賊毀請築壇於野皇帝東
向哭宰相獻其言十一月出為馮翊太
守有謝上表

三載戊戌二月改元乾元

公年五十三三月除蒲州刺史有謝上表
四月有謝晉王曹玉侍讀贈華州刺史
宋按通鑑杲卿姊妹及泉明之子流落
河北是年公守蒲使泉明往宋之九月
有祭姪贈贊善大夫季明文十月除饒
州刺史有華嶽廟題名至東京詩編有
祭伯父豪州刺史文豪州按通典春秋
末鍾離子之國晉僞置徐州安帝時為

鍾離郡宋廢入南兖州齊置北徐州此
齊爲西楚州隋開皇二年以地於濠水
更曰濠州自大業至唐武德天寶乾元
改爲郡若州者再地理志謂濠字初作
豪元和三年改從濠元和郡國志濠字
中間誤去水元和三年字又加水彭鼎
社亭記碑陰載武德間州印豪字亦不
從水元和二年刺史崔公中奏請改應
以濠水爲州各三年八月勅豪從水省
司重造新印攷之濠州乃開皇舊名武
德以後始作豪也今舊集作濠誤當從
碑本

乾元二年己亥

公年五十一有顏司徒碑銘六月爲昇
州刺史充浙西節度使兼江寧軍使有
謝表江寧郡以元年改置昇州兼浙西
節度觀察使是年有與蔡明遠帖李侍
御寫真贊有天下放生池碑銘按放生
池碑陰記及碑銘所載皆在二年湖州
碑陰記後迺書作二年三月攷之乞御
書碑額表云去年冬任昇州刺史日述
碑銘一章自書絹本附史元琮奉進乞
御書題額以光揭不朽緣前書點畫稍
細恐不經久今謹據石擘窠大書一本
奉進持乞聖恩俯遂前請然則碑銘必
是年所作而再進擘窠之本在於次年

故繫以改書之歲月耳藝文類聚有梁元帝荆州放生亭碑世謂放生建碑始於唐非也

三年庚子閏四月改元上元

公年五十二時劉展將反公豫飭戰備李岷以爲生事非短公二月追爲刑部侍郎有乞御書天下放生池碑額表八月貶蓬州長史按離堆記以言事忤旨本傳云上皇遷西內公率百官問起居李輔國惡之行狀神道碑又謂爲御史中然二事皆在公貶貳之時也

上元二年辛丑九月去年號補元年以十

一月爲首歲

元年壬寅復以建巳月爲四月改元寶應是月代宗即位

公年五十四五月有鮮于氏離堆記拜利州刺史屬匡賊圍城不得入追赴上都十二月劉宴讓爲戶部侍郎有謝表有顏司業碑

寶應二年癸卯七月改元廣德

公年五十五三月改吏部侍郎有謝表八月除江陵尹兼御史大夫充荆南節度觀察處置使有謝表未行授代十月轉尚書右丞有臧尚書碑銘

代宗廣德二年甲辰

公年五十六正月以檢校刑部尚書兼
御使大夫充朔方行營汾晉等六州宣
慰使招諭僕固懷恩不行遂知省事二
月有與李太保帖十一月有與郭僕射
書郭公廟李臨淮碑銘按郭英義為尚
書右僕射封定襄郡王驕蹇後汰陰事
元載魚朝恩以其權明年嚴武死以
英義為成都尹充劍南節度使自以有
內主肆志無所憚崔旰反英義奔靈池
普州刺史韓澄殺之是月又與李太保
帖

永泰元年乙巳

公年五十七八月有孫逖文公集序閏

十月有與李太保帖有顏秘監碑銘

二年丙午十一月改元大曆

公年五十八時元載多引私黨畏羣臣

論奏乃給代宗曰羣臣所奏多挾私讒

毀請自今論事先白長官長官白宰相

宰相定可否然後奏聞公有百官論事

疏攝事太廟言祭器不飭載以為誹謗

二月貶峽州別駕時又有廟享議朝會

有故去樂議三月移佐吉州道出溧水

有弔烈士左伯桃詩六月有東林寺西

林寺題名歐陽公脩集右錄按唐書公

為元載所惡貶峽州員外別駕撫州湖

州刺史載誅復為尚書而不言其再貶

三山堂集卷之五十一
至新史始載本末蓋攷諸碑陰記及題名也

大曆二年丁未

公年五十九正月有鮮于少保碑銘十月有靖谷寺題名守政帖廬陵集十卷

三年戊申

公年六十五月除撫州刺史按魏夫人麻姑華姑仙壇記乞御書題額恩勅批荅碑陰記並存是歲家譜成作一年當以記為據有書馬伏波語

四年己酉

公年六十一四月歸祔季弟少尹于上鄩時同生十人零落皆盡惟公獨存有

寶應寺翻經臺記魏夫人華姑仙壇碑

五年庚戌

公年六十二五月有麗正殿李士殷君碣銘十二月有宋開府碑銘

六年辛亥

公年六十三二月有寶應寺律藏院戒壇記閏三月臨川代到四月有南城縣麻姑山仙壇記是年有晉侍中西平靖侯顏公大宗碑又有左輔元編次所賦為臨川集十卷

七年壬子

公年六十四有八閔齋報德記九月至東京除湖州刺史十一月發東京有與

夫人帖

八年癸丑

公年六十五正月至任七月追建放生池碑銘按枌山妙善寺碑云大曆七年蒙刺是邦觀察判官御史袁君高巡部會於此上遂立亭於東南陸處士以癸丑歲冬十一月癸卯二十一日癸亥建名之曰三癸又云自典校時著韻海鏡源未遑刊削壬子歲叨刺于湖公務之際與沙門法海李崑陸羽褚沖湯某辨察潘朮裴循蕭存陸士倫楊遂初崔弘揚德元胡仲易友顏祭韋介左興宗顏策以季夏於州亭及放生池討論至冬

徙于茲山來年春遂終其事攻之乞御書題額恩勅批荅碑陰記公七年秋九月歸至東京起家除湖州刺史來年春正月至任放生池碑後亦書云十年秋九月己亥蒙除不應壬子之九月至京癸丑之正月至任而壬子之季夏己與群士討論於州學冬復徙于枌山癸丑之春遂成書而終事碑銘曰三癸嶙峋又曰紛吾著書羣彥惠臻言羣彥著書於三癸之亭也夫既大曆七年蒙刺是邦癸丑十月方有此亭安得壬子之冬羣彥已集是必寺碑傳寫於金石剥落之餘誤以癸丑為壬子當終事於甲寅

之春也郡有韻海樓未從杼山時所建
是年有題之癸亭訓陸處士折青桂花
見寄詩水堂送諸文士戲贈潘丞聯句
十二月有沈氏述祖德記玄靖李先生
碑銘公在郡及門生第姪多携壺機楫
以遊峴山有觀左相石罇聯句序謂因
積溜潒石嵌為罇形酌酒其中結字環
飲

九年甲寅

公年六十六正月作干祿字書序書於
刺史宅東
完又有韻海鏡源公天寶
中守平原
封紹高箕族弟渾脩成二
百卷屬祿山作亂止其四
分之一及剽

州與左輔元等增廣成五百卷至是
刊削繁辭纂而成文九古今文字該於
理者據華撮要罔有不備為三百六十
卷是年有乞御書題額恩勅批荅碑陰
記妙善寺碑贈僧皎然詩

十年乙卯

公年六十七有元次山表墓碑銘歐陽
領軍碑銘

十一年丙辰

公年六十八四月有崔孝公陋室銘記
初雲溪東南有白蘋洲梁太守柳惲江
南曲汀洲採白蘋日暮江南春後人因
以各洲至是公始剪榛導流作八角亭

及茅亭書憚詩于上有康使君碑銘

十二年丁巳

公年六十九四月有柳憚西亭記吳興集十卷元載誅楊綰薦公四月召於湖州五月有項王碑陰述八月為刑部尚書

十三年戊午

公年七十正月三抗章乞致仕不允二月有過瑤臺寺懷圓寂上人詩是年進吏部尚書按家譜以十二年十二月為吏部尚書充禮儀使致舊史紀及詩序今年正月乞致仕二月謁昭陵首為刑部尚書不應十二年已除吏部今參之

行狀神道碑史傳所載先後進吏部當

在今年充使乃代宗晏駕之後也

十四年己未五月德宗即位

公年七十一五月代宗崩充禮儀使七月奏列聖謚繁有請復七聖謚號狀持表修議云陵廟玉冊已刻不可輕改係蓋妄奏不知玉冊皆刻初謚而已又有論元皇帝祧遷狀

德宗建中元年庚申

公年七十二七月有顏少保碑銘時湯炎當國公以直不容八月為太子少師依前禮儀使有左輔元所編禮儀集十卷

三年壬戌

公年七十四上方倚以為相盧杞忌之
八月改太子太師罷其使

四年癸亥

公年七十五正月李希烈陷汝州盧杞
建遣公為宣慰使往諭之公卿失色李
勉密表固留不報既至宣詔旨希烈養
子千餘人交刃脅公後又囚於官舍守
以甲士掘方坎于廷傳持阬之期公毀
節公謂希烈曰死生有定何多端一劍
見與即觀快事希烈不敢逼

興元元年甲子

公年七十六有奉命帖題驛舍壁會周

魯等謀襲汝州奉公為節度事洩希烈
殺曾等拘送公于蔡州

貞元元年乙丑

公年七十七正月有移蔡帖時公已幽
辱三載矣度必死乃自作遺表墓誌祭
文指寢室西壁下曰吾殯所也八月希
烈使闍奴與辛景臻等縊殺公與龍興
寺

二年丙寅

四月希烈為牙將陳僊奇所殺蔡州平
十一月奉公喪歸葬于萬年縣之鳳棲
原公之死也舊史記云貞元元年正月
始聞廢朝贈諡傳乃謂死於興元元年

八月新史紀以爲貞元元年之八月神
道碑前書月日同舊傳後又云貞元初
遇害希烈之誅新舊史紀作今年四月
舊史傳復云貞元元年仙竒護公喪歸
攷之移蔡帖貞元元年自汝移蔡行狀
及嗣曹王臯表柳理常侍言旨並云是
年八月賊命辛景臻等於蔡州龍興寺
縊公明年希烈死仙竒歸喪則舊史紀
傳不但書公之死先後失次而平蔡歸
喪之年亦復差互令狐峒固自戾其說
而通鑑復取諸舊史何耶恐他有所據
新史當必見行狀與移蔡之帖也新史
公年七十六舊史七十七按大曆十三

年公年七十爲刑部尚書三抗章乞致
仕不允後死於貞元元年當年七十七

顏魯公年譜終



此明錫山安國活字本也顏魯公集久佚宋敏求掇拾重編
得十五卷至南宋又佚三卷雷元剛為蒐輯補完并訂正年譜
附於末安氏所列即雷本也南有堂所藏已無文集此又四
種中之一重是明賢手跡故入均齋祕笈顏崇槐有重
集安氏本惜無絲對勘 光緒癸卯中秋 蘇 再記



舊刻顏魯公年譜明人王伯穀所藏前叙是
其手錄前半葉佚去原記年譜一帙舊史一帙
補遺碑銘一帙行狀一帙南有堂重裝今所存惟此
帙耳宋諱缺筆紙墨疎古可愛均齋公刊蘇記



